

33614

III

Mag. St. Dr.

R
C

Et

H
L

(Exvii 497.) x 10 Kof

Theatr

LEGATUS

^a
C O R D E S A R M A T I A E

Vox Clamantis

J O A N N E S;

extra Desertum,

Oratoriis in Rostris DISERTUS,
olim

à Coronato Poloni Poli Principe

S I G I S M U N D O I.

Ad Romani Imperii Augustum

C A R O L U M V.

E X P E D I T U S,

Et ab Eodem, attollentibus Eloquentiæ, & Scientiæ alis,
In grandem Grandium Hispaniæ dignitatem

E L A T U S;

Nunc



à Perillustri, Illustri, ac Magnifica Ligata Eloquentiæ Juventute,

Regio-BATHOREANI Athenæi, Societatis IESV,

Eodem Titulo, in Capite Anni Coronata,

è Mortalitatis Cineribus,

In Prototypon, & Metam Metagymnastici Actus,

Dramaticis Vinculis

P R O D U C T U S.

Anno

*Legati, de Cœlo, in terras, pro nostra Salute
descendentis,*

1731.

Pridie Kalendas Augusti.

ARGUMENTUM.

Nunquam gloriösius incedunt Mercurii, quam si Eloquii, & Scientiae instruções, à Coronatis Terrarum Numinibus, è Patrio Cœlo, in alienum expediatur. Palpare libet hanc veritatem in JOANNE, tam Polono, quam Ausonio Orbi charo Legato, SIGISMUNDI primi Poloniarum Regis, ad CAROLUM V. expedito, qui fluida facundia, & rara scientia, ita dilectus evasit CAROLO ut eum Grandem Hispaniæ (qui summus honor est) creaverit. *Penzinger in Mund: Monarch: Comp: Discr: IV. Histor: 4.*

PROLOGUS.

Genius IOANNIS Legationis charactere accinctus Via, Morpheum in itinere legens, videt grandem Turrim in suos prolabi humeros, in iisq; recumbere.

INTERLUDIUM.

33.614. III. ACTUS imus.

Scena 1ma. CAROLUS V. onustus trophæis Victrici præcinctus laurea, Captivo præeunte Francisco Galliae Rege, (a) Summo cum triumpho ingreditur Senatum, ubi occupatō solio, mandat Franciscum Custodiæ, ipse verò salutat Proceres, à quibus etiam solennibus attollitur applausibus, & Pater Patriæ declamatur.

Scena 2da. Volante adhuc per aéra plausū, subit Senatum Hugo; Legatus à CAROLO ad Regem Sforciæ (b) expeditus, datq; nuntium, ab Hispanis iterum reliquos rebelles viatos esse Gállos, in quo conficiu, etiam primum ex Primoribus Grandibus Hispaniæ occubuisse.

Scena 3ta. Lætus CAROLUS hōc Nuntiō, pacatumq; suum jam videns Regnū statuit expedire Legatum ad Sigismundum Poloniarum Monarcham, ut supplicantem sibi Theutonum Ordinem, ad Pacis foedera cum Sigismundo inducat. (c)

Scena 4ta. Supervenit unus è Proceribus nuntians è Polonia venisse Legatum, quō nuntiō CAROLUS acceptō, jubet totum Senatum obviam ire, solō suo lateri adhærente Hugone.

Scena 5ta. Ingressus JOANNES Senatum, orditur Victorias CAROLI, lau- rea decorare lingvæ, totusq; in encomia Cæsaris fluidissimæ orationis effunditur flumine. Victor CAROLUS JOANNIS facundia, Victricem herbam de suo capiens capite, JOANNIS coronat verticem, subjiciens: *Incubet humeris hic brevi Turris tuis. Librumq; de statu Regni Hispaniæ porrigit, quem evolvendū commendat.*

CHORUS imus.

IN Genium IOANNIS immersum libro irruit Genius Hugonis, ut eum è libro deleat Vi- ventium, sed Genius IOANNIS, ictum Calami ferrei, oppositione Voluminis eludit.

INTERLUDIUM.

ACTUS 2dus.

Scena 1ma. Hugo ægrō ferens animō advenam JOANNEM, nullis præviis meritis sic honorari, sibi verò pro tot Legationibus, cum molestia suscepis, nihil simile præstari, Acheronta movet contra Cæsarem, sed hæc adhuc mitigat, spe succedendi in locum defuncti Grandis Hispaniæ. Illud verò maximè obser- vat CAROLI ad JOANNEM dictum: *Incubet humeris &c. & cum serio scruta- tur, reperit in via nudum gladium, quem dum attollit, oculisq; perlustrat, advertit inaratum: Erit gladius hic clavis ad Turrim tibi. Anceps contentorum, tam in Cæsaris effato, quam in Epigraphe gladii, statuit adire Meringum.*

Scena

(a) P. Kwiatkiewicz in annal: Anno 1525. (b) Idem Ibidem. (c) Idem ibidem Anno 1520.

Scena 2da. Meringus properans ad Senatum obviat Hugo, quæritq; quem evaginato expectaret gladio, cui Hugo reponit se invenisse in via, dubiumq; hæc rere super perplexitate inscriptionis: Quærit ergo Meringum, Quid sonaret illud Cæsaris: *Incumbet humeris &c.* Meringus Vir ingenii acutissimi, sciens Hugo nem-benè meritum esse de Cæsare, dicit: indicari sibi aliquam grandem dignitatem in Hispania; his verbis: *Incumbet humeris Turris,* à stemmate Turrium Hispaniæ. Ad Epigraphen verò gladii, respondet; si qui obices reperirentur, hoc gladii essent amovendi; similiter differens: *Clavis ad Turrim &c.*

Scena 3ta. Commotus priori explicatione Hugo, quod præter summa signa favoris, etiam hic JOANNI promitteretur honor, (quem sibi dari certo sperabat) exhilaratur posteriori, quod sublato è Vivis JOANNE tanquam Obice, sit illum capturus. Et ubi meditatur de modo tollendi, cernit Ephebum properantem ad Theonem unum ex Senatoribus, quem agnoscens esse JOANNIS, quærit: si ne quis apud JOANNEM? respondentे Ephebo: solum in conclavi volvere librum; Capit animum eum adeundi, & insperatè occidendi.

Scena 4ta. Suspenso pede intrat Hugo palatium, ubi videns solum JOANNEM in Conclavi immersum libro, uno aggreditur iectu, sed JOANNES imperterritò animo, sinè ulla sui læsione, illum librō tanquam clypeō eludit, solum mediā voluminis confossā parte. Inaudiens verò strepitum advenientium Chraſcii Secretarii JOANNIS, & Ephebi Francisci Regis, cum literis ad JOANNEM, ab ulteriori abstinet iectu. Ne autem suspicionem intentatæ relinqueret cædis, simulat hæc fieri à se ex confidentia, ut experimento probet, utrum Poloni sint ita generosi animi, prout per aures feruntur.

Scena 5ta. Egressus à JOANNE Hugo, agitatur furiis, quod optimam natus occasionem, suis non satisficerit Votis, quare calumniosâ perdendi jam JOANNEM incedit viâ: Intrat enim Senatum referens CAROLO, quod JOANNES immemor gratiarum; cum Francisco moliatur contra Cæsarem. Alteratus Cæsar jubet JOANNEM duci ad Turrim, (d) vigilantiq; circumdari milite, ut ibi sub honesta teneatur custodia; antequam in Poloniā expediatur, ne alias cum Francisco ageret pactiones. Librumq; à se datum referri jubet; cuius rei spartham committit Theoni.

CHORUS 2dus.

Genius Hugonis dum grandem lapidem, velut alter Sisyphus in caput Genii attollit IOANNIS, ipse eodem desuper cadente obruitur.

INTERLUDIUM.

ACTUS 3tius.

Scena 1ma. JOANNES Calumniarum sibi objectarum ignarus, properat ad Senatum, sed in ipso limine Aulæ, ab obvio sibi Theone cum manipulo militum detinetur, jubeturq; statim Palatiō exesse, & conferre se ad Arcem dictam Turrim. Admiratus JOANNES inopinam vicissitudinem, pergit in assistentia Custodiæ militaris in Arcem, quam subiens recolit illud Cæsaris dictum verificari: *Incumbet humeris &c.* Theones verò indolens ejus infortunio (erat enim amicissimus) petit reddi librum, quem à CAROLO acceperat, ut eum illi referat, quem casu aperiens incidit in folia perforata, quærit, utrum tam acceperit? sed à JOANNE edocetur: Hugonem gladio perfodisse, totaq; series rei narratur.

Scena 2da. Properans Theones cum accepto librō, invenit in area arcis Codicem; ingenio & eruditâ JOANNIS manu concinnatum, quem ubi perlustrat, videt cultissimè Heroico Carmine CAROLI decantari Victorias. Ingressus Au-
lam offert CAROLO librum, refertq; medietatem esse ab Hugone perfixam; JO-

(d) Arx dicta fuit Roma Turris. Baron;

ANNEM verò sola invidiā esse delatum, eò quod à Majestate, gratiis cumularetur advena Legatus, non verò Cæsar's Hugo. Ut etiam omnem delectationem, porrigit libellum **JOANNIS. CAROLUS** relecto paucō carmine; summe delectatus, jubet exnunc ad se duci Hugonem.

Scena 3ta. Adducto Hugoni in Aulam exprobrat læsionem **CAROLUS** libri, & intentatæ cædis **JOANNI**, Hugo ubi prosternitur ad plantas, excidit gladius, quem sub pallio semper portabat. Exasperatus **CAROLUS**, novâ suspicione, nonne etiam suæ Hugo insidetur vitæ, jubet è terra levari gladium, quem attollens Theones; manifestat innocentiam **JOANNIS**, & malitiam proditam Hugonis. Cæsar versans gladium ubi incidit in illud: *Erit gladius bic Clavis ad Turrim tibi.* Turri includi jubet (e) **Ad JOANNEM** verò totam expedit Aulam, ad se invitandum.

Scena 4ta. Illachrymatur Hugo suo infortunio, quòd pro Turribus Hispaniæ, per quas intelligebat grandem Grandium dignitatem, gladius evaserit clavis ad perpetui careeris Turrim, ingeminansq; illud: *Erit gladius bic clavis ad Turrim tibi infert in ergastulum pedes.*

Scena 5ta. Vix prætergresso limina Regiæ, **JOANNI CAROLUS** obvius occurrit, suam citò credulam accusans aurem. Ut autem mœstum exhilaret **JOANNEM**, jubet festivas Satyros celebrare choreas. Finitò verò saltu, in præmium eruditè compositi libri, Grandem creat Hispaniæ, & quæ dignitas ænigmato hucusq; obscurabatur: *Incumbet humeris bic brevi Turris tuis, jam totius Senatus gratulatorio illustratur Ore.*

E P I L O G U S.

BATHOREANA Pallas Genium **IOANNIS** cernens Eloquentia & Scientiæ suffragio, Grandibus annumerari Hispaniæ, Candidatorum Nomina, in Domo Sapientie ad altiores promovet Honores. Post impositas verò emeritis Capitibus Coronas, annue Legationi, & scenico Actui imponit Coronidem.

(e) *Turres, Rome dicebantur: perpetui Carceres.* P. Kwiatkiewicz.

Ad M. D. T. O. M. G. B. V. M. S. L. O. C. H. nec non
S. P. N. IGNATII Venerationem.





